

# LA QUOTIDIANA

FMR Fundaziun Medias Rumantschas, Via da Masans 2, 7000 Cuira, 081 544 89 11, redacziun@fmr.ch



## Cun chant rumantsch, bizochels ed in stapun

2000 acziunaris han decis la dividenda da la Ems-Chemie. A lur radunanza hai er dà chant rumantsch. **Pagina 2**



## Premi Reunion per l'uniun «a Glion»

La vischnanca Ilanz/Glion ha onurà gruppažiuns engaschadas. Il premi principal han idealists gudagnà. **Pagina 3**

FMR FONDAZIUN MEDIAS RUMANTSCHAS



### SURSELVA

## Pli bugen cuolms che baselgias

Ils 8 ni 9 da december 1782 ha pader Placi a Spescha cumplenu siu 30avel di da naschientscha. Quei temps eis el turnaus da ses studis a Nossadunnaun en sia patria amiez ils cuolms dalla Surseiva. E sco caplon e conventual ha el entschiet ad ir per la pezza. Venderdis sera ha il romanist *Renzo Caduff* referiu a Mustér davart el e sias prestaziuns. Pader Placi a Spescha vala sco pui-nier, alpinist, perscrutader, geolog, geograf – e schizun linguist. Il pli davos eis el forsa staus spiritual e pastur dallas olmas. Quell'impressiun han ins survegniu dil referat da Renzo Caduff. Quel ha plidau sin invit dall'uniun Culturella da Mustér ella hal-la Cons. Il «pader curios» da Trun ha ascendiu sco emprem bunamein dus tozzels cuolms dalla Surseiva. Il Péz Russein havess el bugen era ascendiu gl'onn 1824. (fmr/abc) **Pagina 5**

### GRISCHUN CENTRAL

## Vatgas sin taila en tuttas variaziuns



Vreni Netzer malegia vatgas en tuttas dimensiuns.

FOTO GION NUTEGR STIEBER

En sia nova gallaria a Savognin, che ha gist num sco ella «Garcia Vreni Netzer», presenta *Vreni Netzer 30* da sias ovras. L'artista, oriunda dal chantun Glaruna e maridada cun in Grischun, è sa spezialisada sin preschentaziuns umoristicas e creativas da vatgas. La dunna che ha gia dapi l'uffanza ina stretga relaziun cun vatgas lavura cun colurs tragischantas e detagls sco spirals e zains grondis per exprimer sia amur per quels animals. Gia da matta ha ella malegia gugent, da gliez temp dentant plitost fluras e clowns. Suentier ina pli lunga pausa da malegia è Vreni Netzer, suenter ina fasa pli greva en sia vita, puspè sa deditgada a l'art e chattà tschaffan da dissenjar vatgas sin taila. Ils davos trais decennis èn suandadas pliras exposiziuns en gallarias e bajetgs publics. Ussa damai ha Vreni Netzer ina atgna gallaria per sias vatgas. (fmr) **Pagina 8**

### SURSELVA

## La «Stad da Glion» ed il dialog

Da mesjamma tochen sonda sera ei stau a Glion il simposi «Ilanz-Sommer». Igl ei stau ina dieta per promover la pasch. En quei connex ha la presidenta dall'uniun-purtadra, il Forum per la pasch, *Lea Suter*, menau in atelier pertuccont far dispetta ed iniziar in dialog per sligiar conflicts. Allas persunas ch'eran s'annunziadas ha ella presentau ina metoda nova che l'instituziun Pro Futuris ha sviluppu. La referenta ha avischinuu a quella. La cundiziun principala per in dialog ei ch'ins seigi aviarts per sligiazziuns e prompts d'emprinder. «Menar in dialog duei buc esser in monolog», ei ina dallas conclusiuns digl atelier. Ch'igl ei pusseivel da discutar a moda controversa, senza reproschas ed inculpaaziuns, muossa quella metoda era. (fmr/abc) **Pagina 5**




FOTO GION NUTEGR STIEBER



FOTO AUGUSTIN BEY



FOTO CLAUDIO GODENZI/SOMEDIA



FOTO BENEDICT STIEBER

## Festa total en tut il Grischun

Pliras grondas occurrenzas èn stadas ils davos dis en tut las regiuns dal Grischun: A Savognin ha gi lieu venderdi passà la «Scuntrada» cun blers stans da fiera e cun ina paradà da raiver. A Glion ha il 29avel «Städtifest» carmalà la glieud da venderdi saira fin la dumengia endamaun a las 03.00 en las giassas da la citad cun differents stans e preschentaziuns musicalas. En la chapitala dal chantun ha il «Churer Fest» attratg giuven e vegl da far festa, tranter auter cun autos da putschar. Ed en l'Engiadina ha ina fiera embelli las streglias: Ad Ardez han venderdi e sonda var 40 exposituras ed expositurs offri lur products surtut regionalas. Cun la bell'aura han organisaturas ed organisatur pudì esser cuntents, dentant eran las temperaturas mintgant bunamain memia chaudas, uschia che las visitadoras ed ils visitaders èn plitost vegnids la damaun e la saira a las occurrenzas u han schizunt mancà. (fmr/ri) **Paginas 2, 3, 7 ed 8**

«Pli bugen quei che plievgia.»

Cun «quei» è naturalmain manegia la chalira ch'è adina puspè stada tema questa fin d'emna en las streglias da Glion durant il Städtifest – e segiramain era tar auras festas. – **Pagina 3**



10033 Servetsch d'abunents e da distribuziun: tel. 0844 226 226 mail: abo@somedia.ch